

# 大日本史

和書門	
一三二一六	類
二七	函
一三	架
五三	冊

和書	
一三二一六	類
五三	架
一八	冊

内閣文庫	
番號	和 13216
冊數	53 ( 37 )
函號	138 102

史傳載

自一百二十八

四十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



漢學文庫

大日本史卷一百一十八

列傳第四十五

權中納言從三位源光圀修

男權中納言從三位細條校


佐伯今毛人

百濟敬福 國中公麻呂

高倉福信

紀勝長 弟田上

伴善男



大日本史 卷一百一十八

九  
卷之二  
佐伯今毛人道臣命之後也錄姓氏父人足從  
五位下右衛士督今毛人勇壯有才幹聖武  
創東大寺使督役指授有方役徒不得惰帝  
竒之稍被甄拔勝室初為大和女授從五位  
下頃之超進三階室字中叙從四位下除攝  
津大夫領造東火寺長官遷宮城監兼肥前  
守陞太宰大貳景雲初專知築怡土城事為  
造西大寺長官遷左大辨兼因幡守進從四  
位上室龜中兼播磨守進正四位下六年為

遣唐大使明年四月賜節刀到肥前風波不便  
留數月以秋至風逆不可發舶還博多大津  
奏請待來年許之十一月入京師上節刀八  
年又赴唐至羅城門而病力疾就道至攝津  
病劇乃敕副使小野岩根持節先發行大使  
事今毛人竟不往數年再為太宰大貳天應  
元年進正四位上帥藤原濱成得罪敕今毛  
人攝行府中事延曆初又為左大辨兼大和  
守進從三位兼皇后宮大夫及將遷都奉詔

與藤原種繼等相攸山背乙訓郡長岡因為

造長岡官使續日今毛人有巧思每朝廷有

所營造未嘗不與其事而奉公謹慎深信釋

教初董東大寺役常日持齋帝呼為東大居

士及為造宮使夙夜監督猶日誦金剛經而

後臨事高僧傳要文抄三年拜參議尋進正三位為

民部卿除太宰帥續日在任所得租奉捨二

分寫經以祈國祚餘悉施窮乏者家無資產

高僧傳要文抄八年上表致仕其參議封戶割半賜

之爾後致仕者際給半俸是為始按本書室

室淨三致仕先是致仕者減賜半俸持救淨

三賜全俸然則致仕給半俸者非始于此今

姑從九年薨年七十二續日

百濟敬福百濟義慈王之玄孫也舒明朝義

慈王遣其子豐璋王禪廣王入侍後義慈王

與唐人戰軍敗降唐其臣佐平福信起兵克

復迎立豐璋豐璋即位以讒殺福信唐人復

來攻豐璋請援于我戮力拒唐兵而不克乘

船走高麗禪廣遂留而不去元明朝賜號百

濟王及卒贈正廣參初禪廣將三子來朝長  
子昌成先卒天武朝贈小紫次子郎虞聖武  
朝授從四位下為撰津亮敬福其少子也為  
人慧辨有從政之才聖武帝殊寔遇之而放  
縱不羈不矜細行有人告貧者傾資振之無  
則乞假而給焉以故頻歷外任家無餘財天  
平中叙從五位上再為陸奧守先是我邦不  
出黃金常取用於外國及東大寺盧舍那佛  
像成塗金不足帝常嘆恨會陸奧小田郡出

黃金時敬福為守馳驛獻之帝大悅改元天  
平感寶特授敬福從五位既而又獻黃金九  
百兩勝室中為宮內卿歷兼河內常陸守為  
檢習西海道兵使遷右大辨室字中歷出雲  
伊豫守為南海道節度使改讚岐守入為外  
衛大將八年奉上皇敕與山村王等帥兵圍  
中宮院逼帝出宮神護元年為刑部卿稱德  
帝幸紀伊為後騎兵將軍二年薨年六十九

續  
紀日

九日不日 卷之二百八  
國中公麻呂其先百濟人也祖父德率國骨  
富天智朝屬本蕃喪亂來歸公麻呂居大和  
葛下郡國中村因命為氏初聖武帝造盧舍  
那佛銅像規模廣大冶工不能措手公麻呂  
頗有巧思竟成之景雲初帝幸東大寺拜佛  
像賞公麻呂功授從四位下為造東大寺次  
官兼但馬員外少輔龜五年卒續  
本紀  
高倉福信武藏高麗郡人其先出自高麗祖  
福德及唐將李勣拔平壤避難來歸居武藏

後賜姓背奈公福信幼有膂力年未弱冠隨  
伯父行文遊京師嘗往石上衢角力相撲妙  
得其術無有敵者自是著名聖武聞而召之  
侍內豎所甚愛其材初為右衛士大志頃之  
授外從五位下稍遷補春宮亮賜姓王累進  
正五位上勝宝初遷中衛少將兼紫微少弼  
進從四位上改賜姓高麗朝臣宝字初進正  
四位下攝奈良麻呂之變奉敕捕小野東人  
答妹忠節等數年遷信部大輔尋為但馬守

神護元年授從三位既而為造宮卿景雲元年兼淡王宮大夫室龜初兼武藏守起楊梅宮福信管其事宮成賞勞俄兼近江守十年上表曰自臣之先世投于聖化過受洪恩久經年所但雖新姓之榮而舊號未革望請改高麗以為高倉許之天應元年遷彈正尹延曆四年乞骸骨優詔從之賜御杖及衾以散位就第八年薨年八十一子石麻呂叙從五位下續紀日

紀勝長本書或作梶長角宿禰十一世孫父船守右

京人藤原仲麻呂之亂射殺其將矢田部老

論功擢從五位下賜勳五等賜勳據公神護

二年賜功田八町傳于子累歷官職延曆中

至正三位大納言續紀日及薨帝哀悼不視事

三日贈右大臣從二位日本紀畧補任作正

紀勝長其長子也延曆四年叙從五位下明

年為近江守時帝欲征蝦夷遣勝長於東山

道簡閱兵士置械續紀日十一年為兵部少輔

尋轉大輔遷式部太輔為右中辨歷兼右衛門督右兵衛督美作守為造東大寺長官十年任參議二十年帝幸其山階宅紀二十二年進從三位大同九年轉中納言無何薨年五十三勝長性寬雅好賓客接對不倦宴饗之費不問出入善步射容儀進退堪為世範但耽愛犬馬玩好之物頗累物議補子興道名虎系興道天長中至從四位下右兵衛督兼父業亦善射儀大同中有伴和武多麻

呂亦傳其術後世武人效用其法續日本後

名虎仁明朝至正四位下刑部卿續日本後

有常性清警有儀望貞觀中至雅樂頭從四位下三代勝長第田上

實錄田上

田上通曉武藝兼有文才最長於政事大同

初為相模守百姓懷之三年秩滿入京師平

城之變從上皇授從四位本書不載事平左

降佐渡權守遇赦還天長初卒類聚國子深

江少遊大學畧涉史書自文章生為少允歷



主稅助式部少丞弘仁末叙從五位下天長  
兼和間累遷左近衛少將兼備中守為兵部  
太輔出為伊豫守性寬和不為物動所蒞有  
治績百姓安之時稱為循吏卒于官年五十

一續日本  
後記

伴善男左京人本姓大伴祖繼人延曆中至  
左少辨受皇太子旨殺中納言藤原種繼下  
獄死三代實  
錄紀畧父國道坐父事流佐渡國卒愛  
其才敏引為師友案牘文簿皆出其手遇赦還

弘仁中至參議兼右大辨授勳六等淳和即  
位避御諱改大伴宿禰為伴宿禰類聚  
日本後紀

纂天長初進從四位上兼陸奧出羽按察使  
補善男生而俊爽深目長鬚身體矮小意氣

畔岸弱冠直校書殿為仁明帝被知憲任寄  
日重兼和中任大內記為藏人遷式部大丞

授從五位下為讚岐權公未及之任俄遷右  
少辨三代實  
錄補任時法隆寺僧善愷訢少納言登

美直名之罪善男與左大辨正躬王等論定

罪科數相詰難久之不決遂誣奏正躬王等許  
容善愷非理之訴乃令明法博士讚岐永直  
等斷之正躬王及一時預議者皆坐解官續  
本後紀善男尋補藏人頭轉右中辨嘉祥初超  
授從四位下任參議轉右大辨兼下野守補  
檢非違使別當兼式部太輔三年進從四位  
上三錄代禊任七月大水山崎橋漸帝以為河橋  
易壞由水浸罨如得其便地自無所害詔善  
男等就山崎以察利害求便地遂定置河橋

大德實錄是歲為中宮大夫仁壽元年兼美作守  
二年丁母憂解職未幾詔起復之授正四位  
下齊衡中兼讚岐守進從三位詔修國史文  
實錄三代實錄貞觀九年兼伊豫權守進正三位兼  
民部卿二年任中納言六年轉大納言善男  
性忍酷有口辨當官幹理察斷機敏朝廷制  
度多所詳究政務變通問無不對而傲幸逢  
迎為人主所愛自為內記八年間累歷顯要  
終至公卿位望漸貴為人褊狹好斥人短衆

憎之三代實錄先是善男與左大臣源信有隙屢

謀陷信代之八年春與子中庸等燒應天門

而矯言信之所為右大臣藤原良相信之欲

罪信撰政良房聞而大驚不及整衣冠疾臨

入朝為辨其誣三代實錄神方善男之行火

左京人大宅鷹取夜過應天門有繩門柱而

下者善男中庸及家奴紀豐城也俄而火起

鷹取意善男之所為也會鷹取子與善男之

奴之子分爭為奴所毆傷幾死事聞于官訊

之鷹取遂言善男燒應天門事三代實錄字

按實錄云拷訊殺鷹取女子者生江恒山及

同謀者伴清繩拉善男之僕後也拾遺所載

顛末願詳於是使參議南淵年名藤原良繩

鞠問之拘中庸於左衛門府論讞善男中庸

及同謀者紀豐城伴清繩等五人當

斬詔降死一等流善男于伊豆中庸于隱岐

豐城于安房秋實于壹岐清繩于佐渡籍沒

其資宅地連坐配流者八人肥後守紀夏并

配于土左下野守伴阿男于能登上總權少

椽伴夏影于越後伴冬滿于常陸紀春道于  
 上總伴高吉于下總紀武城于日向伴春範  
 于薩摩中庸子元孫年八歲叔孫五歲隨父  
 配所朝廷愍其幼穉自道召還三代實錄十年善  
 男死于徙所年六十補任世傳善男微時給  
 仕郡司在佐渡夢跨西大東大西寺既寤語  
 妻妻戲曰恐勝門裂善男不悅至郡司家郡  
 司素善相見善男至延接甚恭善男怪而問  
 故郡司曰子得異夢後當大貴而告之非人

雖至大官必不全終果如其言江談抄著聞

物語

大日本史卷一百一十八終

日本史卷之百九十八

[Faded text in columns, likely bleed-through from the reverse side]

大日本史卷一百一十九

列傳第四十六

權中納言從三位源光圀 修

男權中納言從三位細條 校

文室淨三 淨三第大市孫綿麻呂

船主兄子和氣王

氷上鹽燒 志計志麻呂

山村王

平高棟 子季長 惟範

豐前王

文室淨三長親王子也初為諸王名智奴本書智奴

或作珍努養老初授從四位下為左大舍人頭天平

中為木工頭領造宮卿班給新京百姓宅地帝

幸城北苑賜宴群臣以營創勲勞賜東絕六十

匹綿三百屯累進正四位上授從三位勝室四

年賜姓尋為撰津大夫寶字元年拜參議兼治

部卿二官據公卿補任頃之兼出雲守詔求直言淨三

與少僧都慈訓奏曰天下諸寺每年正月悔過

稍乖聖願終非功德何者修行護國僧尼之道

而今或身不入寺計官供於七日或貪規兼得

著空名於兩處畿及三宝無益施主伏願停官

布施令彼貪僧無所希望奏可四年拜中納言

五年進正三位改今名尋遷御史大夫優老聽

宮中執扇杖策兼神祇伯進從二位初紀袁初


之女粳賣嫁紀伊冰高郡內原牟羅生身賣伯

賣及長袁祁令寄食紀寺至庚寅之歲編戶入

奴婢籍其族益人等告訴積年不理教淨三覈

之淨三列狀而上賜益麻呂等十二人姓紀  
朝臣真玉女等五十九人內原直以益麻呂  
為戶頭編附京戶而紀伊保等不旨信孝謙  
上皇面敕淨三及惠美朝獵遣使紀寺宣詔  
益人等七十六人並得從良檢本書前後文益人蓋與益麻呂同八年淨三請致仕詔報曰聞卿年滿懸  
車據禮致仕熟思此事憂喜交懷一喜功遂  
身退能守善道一憂氣衰力弱歸就田家古  
云知止不殆知足不辱卿之謂也丹慤難違

依其所請仍賜凡杖及新錢十萬將以闡揚  
勝流激勵浮俗乃退居私第先是致仕者減  
祿之半持旨賜全俸景雲中賜太宰綿六十  
屯續日紀本孝謙上皇崩儲位未定吉備真備等  
欲立淨三淨三固拒而免鏡是歲薨遺言薄  
葬不受鼓吹諸子遵奉當時猶之敕遣使吊  
賻續日紀本子大原桓武朝賜姓三緒朝臣至從  
四位下續日紀本後子綿麻呂秋津  
綿麻呂延曆中叙從五位下歷右大舍人助



近衛將監少將兼出羽權守改播磨守除侍  
從中務大輔大同中歷右兵衛督右京大夫  
左大舍人頭仍兼播磨守改賜姓三山朝臣遷  
左兵衛督兼大膳大夫救復本姓文室真人  
除兵部大輔弘仁元年再為播磨守補平城  
之難侍上皇嵯峨帝召歸京師拘于左衛士  
府以大納言坂上田村麻呂將兵邀上皇田  
村麻呂以綿麻呂練武枝曉邊事請赦參軍  
事因授正四位上拜參議副將軍與田村麻

呂扼美濃道類聚國史本紀畧事平加大藏卿兼陸

奧出羽按察使補任討蝦夷有功進從三位授

勳三等詔曰陸奧夷賊歷代彌時擾亂邊境

殺畧百姓嚮遣正四位上文室真人綿麻呂

等征之今量其功勞以進勳爵兼左衛門督

為征夷將軍歷備前守右京大夫陞右近衛

大將兼兵部卿任中納言十四年薨年五十

九補紀畧子卷雄幼有勇力善騎射文德帝在

東宮為帶刀舍人仁壽天安間歷官內外負



觀中任左近衛少將元慶中進叙從四位上  
前後歷美濃伊豫因幡相模等守並不之任  
在京師遙領之請解守以一子任外吏詔以  
其子房典為近江少掾卷雄宿衛之勤當時  
無雙直侍仗下日夜不出嘗戲騰駕車牛額  
躍立車後為少將時狐走東宮屋上卷雄登  
屋進及斬之其拳捷如此仁和三年卒年七  
十八三代  
實錄

秋津弘仁中為右近衛將監補藏人累歷右

馬助左近衛將監甲斐守武藏次木工頭天  
長中補左兵衛權佐遷左近衛中將兼因幡  
守授後四位下補藏人頭六年拜參議尋兼  
右大辨武藏守轉左大辨兼春宮大夫美和  
初捕檢非違使別當續日本後  
紀補任上表乞解大  
辨中將等職因罷大辨兼右近衛中將右衛  
門督秋津監察非違甚有声誉又通曉武藝  
世許其將畧但好飲有癖每至數杯必悲泣  
頗以此得譏遷兼丹後守至正四位下九年

以伴健岑之黨囚於冷泉院左降出雲權守  
十年卒于貶所年五十七續日本紀後紀日本  
市 淨三第大

市 大市本書大市或作天平中授從四位下為

刑部卿遷内匠頭勝室中進從四位上與淨

三同賜姓尋為大藏卿此時宗室支族陷辜

者眾大市内不自安薙髮為僧以圖自全室

字中又出仕授正四位下歷彈正尹節部卿

遷民部卿神護元年進從三位二年為出雲

按察使拜參議兼中務卿景雲中賜太宰綿

四千屯兼外衛大將續日本紀及孝謙崩吉備真

備等謀立大市議既決矣藤原百川等遠奉

光仁帝踐祚以故不得立冰鏡及紀畧寶龜

元年進正三位二年起拜大納言兼彈正尹

進從二位遷兼治部卿三年上表曰臣以愚

質幸遇聖明抱紫腰金叨掌喉舌貪榮負貴

戰遇薄深伏惟陛下德合仁厚邦舊命新維

城之遇千年終譽之儀一會今臣蒲柳向衰

桑榆方晏病亦稍篤垂盡無期伏願避路俊  
人賜老丘園止足以送餘年返初而待終日  
則上有成物之德下無尸祿之譏矣矜老存  
疾有國嘉猷引年致事先賢懿行伏願天恩  
曲慰朽邁不任前路之迫促謹詣朝堂奉表  
以聞優詔不許再兼中務卿固請致仕詔曰  
卿年及懸車告老言退知足知止合於古誼  
思欲抑留恐非優老之道體力如健時節朝  
參因賜御杖十一年薨年七十七續日  
本紀

船主崇道盡敬帝第三子也神龜四年直叙  
從四位下天平末進從四位上為彈正尹室  
字初磨皇太子詔議宗室當為儲貳者船主  
以惟薄不修不得立本書所載勅文如此按  
是時藤原仲麻呂壁於  
孝謙帝事出愛僧其責池田王如曰孝行有  
闕者亦此類而虛實殆不可知觀者以意逆  
也之可廢帝即位進從三位是歲遣渤海使還  
奏唐亂船主時為太宰帥奉詔與大貳吉備  
真備議沿海備奏便宣曰府官所見有不安  
者四據警固式博多大津及壹岐對馬等要

害之處可置船一百隻以上以備不虞而今  
無船可用交關機要一也太宰府三面帶海  
諸蕃是待而自罷東國防人邊戍日以荒散  
萬一有變何以應率何以示威二也管內防  
人一停作城講肄武藝練習戰陣而大貳吉  
備朝臣真備議曰屯田之法古人所重請五  
十日教習十日築城事雖可行府僚或不同  
三也天平四年八月有勅筑紫兵士全免調  
庸其白丁者免調輸庸當時民息兵強是以

鎮邊而全管內彫弊百姓匱乏不有優復無  
以自贍四也敕從之唯不許遣東國防人明  
年陞為親王授三品奉使香椎廟告將伐新  
羅尋為信都卿頃之進二品及帝被廢責以  
與惠美仲麻呂通謀降為諸王流于隱岐子  
葦田王孫池田王津守王豐浦王宮子王同  
坐授姓三長真人流于丹後寶龜二年復屬  
籍續日兄子和氣王  
和氣王父曰三原王初為諸王勝寶中賜姓

大日本史 卷一百一十九  
匡真人為匡幡掾室字中追尊舍人親玉匡  
復王屬籍授從四位下歷內匠頭節部卿伊  
豫守八年惠美仲麻呂謀反王上變賊平叙  
後三位拜參議兼兵部卿奉上皇敕與山村  
王等率兵圍中宮院逼帝出宮俄兼丹波守  
授勳二等賜功田五十町時皇嗣未立王竊  
懷覬覦有紀益女以巫鬼著王厚賂與之善  
又與參議栗田道麻呂兵部太輔大津大浦  
式部員外少輔石川永年等相友善數會飲

其宅神護九年七月道麻呂至與王密詔所  
佩刀觸門屏而折王遺裝刀人多怪之所謀  
頗漏王畏禍及即夜逃竄敕索之獲于率河  
社中流伊豆至山背相樂郡絞殺瘞于狛野  
絞紀益女于紀喜郡松井村王男女大伴王  
長岡王名草王山階王采女王免死除屬籍  
貶道麻呂飛驒員外次以其怨家上道斐太  
都為守斐太都至任幽殺道麻呂又貶大津  
大浦日向守奪位封貶石川永年隱岐員外

以數年自縊而死至寶龜二年和氣王崩女  
皆復屬籍大伴王天志元年授從五位下延  
曆中歷大監物主馬頭續日本紀  
氷上鹽燒一品新田部親王子也初為諸王  
天平中授從四位下進正四位下為中務卿  
坐事下平城獄流伊豆三島居四歲召還明  
年復爵室字元年召公卿議儲貳僉曰鹽燒  
王當立帝曰先帝責以無禮不應立遂立大  
炊王為皇太子既而鹽燒王進正四位上為

大藏卿橘奈良麻呂密謀簡廢太子道祖王  
黃文王安宿王及鹽燒王立以為帝事覺或  
杖死或遠流詔曰鹽燒王雖在四王之列然  
不會謀庭亦不被告而緣坐道祖王應當遠  
流袒父新田部親王其心清明奉侍朝廷不  
忍絕其門故免罪自今以後宜以明直奉朝  
廷二年進從三位賜姓明年詔上意見鹽燒  
奏臣見三世王已下給春秋祿者是務王親  
而今計上日不異臣姓乞依令優給勿廢二


日奏可累歷禮部信部二卿六年拜參議兼  
美作守陞中納言八年兼文部卿惠美仲麻  
呂及奉鹽燒為帝仲麻呂伏誅鹽燒亦見斬  
續紀二子志計志麻呂川繼  
志計志麻呂初鹽燒尚不破內親王生志計  
志麻呂及川繼及敗二子以母貴得免景雲  
三年丹比乙女誣告縣犬養姊女與內親王  
謀立志計志麻呂乃削內親王屬籍放京外  
志計志麻呂配土左續紀

川繼室龜末叙從五位下延曆元年正月為  
因幡守其資人大和乙人私帶兵仗闕入宮  
中所司捕而推問歎曰川繼謀今日十日夜  
入自北門作亂因使臣招其黨宇治王以會  
期敕召川繼川繼聞使至潛出後門而走即  
固三關大索數日獲於大和葛上郡詔曰冰  
上川繼潛謀亂事既發覺據法當極刑其母  
不破內親王及逆近親亦當重罪但山陵未  
乾不忍論刑其川繼宜免死處遠流不破門

親王荒川繼姊妹配淡路川繼流伊豆三島  
妻藤原法壹亦同徙焉妻父藤原濱成奪二  
官黨與後四位下三方王正五位下山上船  
主皆左降左大辨大伴家持右衛士督坂上  
川田麻呂解職正四位下伊勢老人從五位  
下大原美氣藤原繼彥徙京外凡坐者三十  
五人川繼姻戚知友亦擯京外未幾三方王  
及妻弓削女王與山上船主坐厭魅乘輿詔  
減死處遠流續紀

山村王久米皇子之後也補任誤為久米皇  
子之子今從本書


天平末叙從五位下室字中為紀伊守遷少  
納言惠美仲麻呂及有功授從三位為左兵  
衛督及帝被廢將兵圍中宮院宣上皇詔神  
護初賜勳二等兼大和守賜功田五十町拜  
參議加治部卿景雲元年薨年四十六延曆  
中近江上言除王姓從百姓者五戶壹陌壹  
口戶主槻村井上大冨大魚勳神等竝山村  
王之孫也山村王以養老五年編附此部子






孫蕃息或七八世分為數戶依拾六世以下  
除羨嫡者之外科課役請羨嫡之戶遷附京  
戶餘與姓科課下所司檢皇籍無山村王之  
名因從百姓之例不賜真人之姓續日本紀  
平高棟葛原親王長子也身長六尺美鬚髯  
幼而聰悟好讀書傳初為諸王弘仁中叙從  
四位下為侍從天長初歷大學頭中務兵部  
太輔葛原親王請去諸子王号則賜姓因賜  
今姓歷大藏刑部卿兼和中累進從三位代

實錄仁壽元年拜參議三年丁父憂解職哀毀  
過禮月餘奪情以本官起之齋衡中為春宮  
大夫文德實錄天安二年為權中納言進正  
三位貞觀初領陸奧出羽按察使奏鎮守府  
上言邊垂之吏去鄉遼遠公廨之外無復資  
糧而至者未納抑而不行請准太宰府司公  
廨雖有未納以正稅給之永為恒例許之數  
年轉大納言以老辭職優詔不許九年薨年  
六十四高棟天性質厚不事華飾所遺終存



寬裕晚年崇信教常誦佛經嘗捨山城葛  
野郡別墅為道場詔賜額平等寺自拜大納  
言食邑租賦多供佛事三代實錄子季長惟範  
季長負觀中以式部丞出渤海客使元慶中  
為兵部少輔兼伊勢權友遷左近衛權少將  
兼陸奥守賜近衛四人為隨身仁和二年為  
右中辨三代實錄尋轉左中辨為問山城民苦使  
奏曰得諸郡司解狀偁諸院諸官及諸王臣  
家或爭百姓戶田或奪浮浪財物不據國宰

無牒郡司闌入郡內遞相壓畧專擅威權不  
辨理非田園因斯荒廢財產為之空竭望請  
裁許被停止者伏檢案內訴訟皆從下始若  
有越訴法設科條今愚昧百姓不悟此理告  
人囑請甲宅而乘威前人媚託乙家以挾勢  
國郡官司無力禁止望請自今以後相爭財  
物甲乙之輩假勢王臣不由國郡者不限土  
浪不論蔭贖決杖一百所爭之物皆悉沒官  
諸院諸官王臣家許容者別當并家司科違



敕罪如此則窮民再蘓勢家弭害敕依其請

三代格進至從四位下右大辨寬平九年卒系圖

惟範有文才善詩雜言字多帝敕撰弘仁以

後詩扶桑畧記延喜二年任參議與藤原時平撰

延喜格累勞至從三位中納言兼右近衛大

將九年薨年五十五子時望從三位中納言

伊望從三位大納言補任

豐前王崇道盡敬皇帝四世之孫父木工頭

采井王豐前少以學涉稱天長中任大學助

遷式部大丞丁父憂解職尋起復本官歷諸

陵助太宰大監三代實錄叙從五位下續日本後紀美

和齊衡間歷備中參河安藝伊豫守守任右

京權大夫文德實錄天安中丁母憂解官服

闕除民部太輔貞觀初累進從四位下遷伊

豫守是時詔參議已上論時政得失右大臣

藤原良相以豐前老成特命上意見先是諸

王自二世至四世賜冬夏衣服不限人數久

之皇族蔓衍靡費洪繁豐前王疏曰諸主給

服人數不定徒費帑藏無有紀極望請以當時所在為定額隨闕補之不聽輒過後之豐前性簡傲好品藻人物言語浮夸放縱無所拘以故人多避之六年進從四位上明年卒年六十一三代實錄

大日本史卷一百一十九終

列傳第四十七

大日本史卷一百二十

權中納言從三位源光圀 修

男權中納言從三位綱條 校

藤原永年 弟真楯 魚名

藤原豐成

藤原良繼 弟百川 藏下麻呂 良繼弟子種繼 種繼子仲成

大仲臣清麻呂 孫淵魚 曾孫正棟 玄孫國雄

和氣清麻呂 子廣世 直綱 仲世

藤原永年中衛大將房前第二子也天平中授從五位下勝室初進從四位下尋為大和守六年陞從三位歷兼式部中務卿寶字元年為中納言數年兼兵部卿進正三位八年轉大納言神護元年授勳二等進從二位二年拜右大臣詔曰淡海大津宮御宇所賜藤原大臣及其子大臣密勅曰汝子孫以清明心奉侍朝廷者必善遇之不絕其嗣今思先敕授卿右大臣官幸其第賜正二位其妻大野仲智從四位下歲中

轉左大臣景雲二年賜太宰綿二萬屯三年又幸其第進從一位仲智及男家依雄依等並進一級尋賜帛十萬束帝不豫勅永手攝近衛外衛左右兵衛事時皇嗣未定僧道鏡僥倖非望及帝晏駕藤原百川等定策矯遺詔立光仁帝永手與有力焉帝即位進正一位賜山背相樂郡出水鄉山二百町又賜父切封宝龜二年二月暴病時帝幸難波還到竹原井行宮節幡等無故而折衆謂執政將沒之徵翌日薨年五十

八帝悼惜遣中納言文屋大市員外中納言石

川豐成弔賻其辭甚淒切褒稱功德極其哀榮

贈以太政大臣遣使監護喪事續日本紀永年居長

罔稱長罔大臣系圖一子家依參議從三位雄

依大藏卿正四位下續日本紀坐黨大伴繼人流隱

岐日本紀畧永年弟真楯魚名

真楯初名八束天平中為春宮大進遷右衛士

督式部大輔兼左衛門督累進從四位下改治

部卿真楯度量弘深有公輔之才在官公廉慮

不及私聖武帝特詔使參奏宣吐納明敏寵遇

甚渥從兄仲麻呂心害其能真楯悟稱病家居

頭翫書籍久之出為大和守勝寶中遷攝津大

夫進從四位上寶字初進正四位下拜參議兼

中務卿奉勅與仲麻呂改官號四年進從三位

為大宰帥六年任中納言兼信部卿尋進正三

位神護元年授勳二等二年轉大納言兼式部

卿薨年五十二遣勅旨大輔藤原繩麻呂右少

辨大伴伯麻呂平之賜大臣之葬儀續日本紀子內

麻呂延曆中任中納言兼近衛大將進至右大臣從二位弘仁三年薨贈太政大臣從一位稱後長岡大臣有十三子真夏冬嗣長岡カガ自有傳カガナリ大津衛助最頭三ノ上任系圖冬嗣長岡カガナリ自有傳魚名天平末叙從五位下補侍從勝寶初宇佐大神憑語從于京師魚名與石川年足為迎神使奉神輿入京師寶字中歷備中上總守進從四位下遷宮内卿神護二年授從三位景雲二年拜參議尋兼大藏卿左京大夫寶龜初加正三

位任大納言兼中務卿八年進從二位帝幸魚名曹司授其男末茂從五位下賜從官物尋兼近衛大將太宰帥明年拜内臣改號忠臣十年為内大臣天應元年叙正二位轉左大臣仍兼帥延曆元年坐事免大臣赴太宰府男鷹取末茂等並貶謫魚名至攝津得疾不進勅聽留別業加醫療明年夏詔曰大宰帥藤原朝臣魚名老病相仍留滯中路宜還京師託其親屬七月薨于京師年六十三續本紀日稱河邊大臣系圖要記詔



賜絕布米鹽及役丁又詔曰疇庸叙功彰于舊  
典赦過宥罪著自前經故太宰帥正二位藤原  
朝臣魚名乃袒乃父世著茂功或盡忠義而事  
君或宣風猷以佐時言念於此無忠干懷故今  
贈本官酬其先功延曆元年六月十四日所下  
詔勅官符等宜悉燒却續日本紀魚名五子鷹取鷲  
取末茂藤成真鷲鷹取至正四位下侍從坐父  
事左遷石見公末幾赦還為左京大夫鷲取從  
五位上中務太輔末茂為中衛少將坐父事左

遷土左公赦還任伊豫守再坐事貶日向公又  
赦還至內近頭從五位上續日本紀藤成口吃有  
材幹歷任內外所在稱職至從四位下伊勢守  
類聚史真鷲叙從五位下隨父赴太宰府召還為  
大學頭歷伯耆守右少辨至太宰大貳續日本紀  
藤原豐成右大臣武智麻呂長子也養老中為  
內舍人神龜初叙從五位下天平中累進從四  
位下以兵部卿拜參議遷中務卿兼中衛大將  
時帝屢遊幸豐成每留守京師進從三位任中



納言兼東海道鎮撫使進從二位轉大納言勝  
實九年拜右大臣及皇太子廢豐成與從弟永  
年欲立鹽燒王豐成弟仲麻呂不從遂立大炊  
王仲麻呂為內相執傾天下豐成天資寬厚甚  
得時望仲麻呂忌其才名每欲因事中傷之會  
橘奈良麻呂謀廢立事覺仲麻呂以豐成子乙  
繩與奈良麻呂善誣奏黨賊勅豐成出乙繩豐  
成乃縛致之吏又勅曰豐成事君不忠為臣不  
義私附賊黨潛忌內相知撰大亂無形奏上及

事發覺亦不肯究若延數日殆滅天宗宰輔之  
任豈合如此因罷右大臣左降太宰員外帥豐  
成至難波別業稱病不進迨仲麻呂伏誅帝悟  
其寃勅復官賜帶刀四十人授從一位豐成自  
仲麻呂死內不自安上表曰臣等曾袒大織冠  
內大臣蹈義懷忠計身奉國皇朝籍其不世之  
勲錫以無窮之賞胤子正一位太政大臣確陳  
丹誠執表固辭即割賜二千戶傳及子孫臣等  
以累世之相門久泳榮寵豈意逆賊仲麻呂近

出臣族極凶肆逆若斯之甚今臣等既以凶逆  
之同族猶霑勲功之餘封以何面目叨冒殊厚  
伏願還納先代所賜功封少塞天下之責許之  
神護元年薨年六十二續日稱難波大臣又稱  
橫佩大臣四男一女男良因繼繩乙繩繩麻呂  
繼繩自有傳女中將姬為尼居當麻寺良因後  
五位下伯耆守系乙繩本書乙或作初叙正六  
位上為叔父仲麻呂所誣左遷日向員外掾仲  
麻呂伏誅赦還京師授後五位下景雲初補大

藏大輔實龜中歷土左美作下總守彈正尹至  
後四位上刑部卿參議繩麻呂字中歷兵部  
七輔備中守禮部大輔補侍從仲麻呂敗授後  
四位下神護初賜勲三等帝幸紀伊為御前騎  
兵將軍尋為民部卿兼勅旨大輔近江守景雲  
二年授後三位為近江按察使孝謙崩子藤原  
百川定策立光仁室龜中任中納言兼皇太子  
傳遷兼中衛大將代百川執政十年薨年五十  
一帝悲悼遣大和守石川豐人治部大輔藤原

大日本史 卷之百二十一  
別雄贈從二位大納言葬事官給並充鼓吹司

夫續日  
本紀

藤原良繼式部卿宇合第二子也初名宿奈麻  
呂天平中坐兄廣嗣事流于伊豆頃之赦還補  
少判事數年授從五位下歷越前上總守寶字  
中進從五位上為民部少輔尋補右中辨改造  
宮大輔兼上野守時惠美仲麻呂擅政三子並  
任參議而良繼位在其下內懷慚憤與佐伯今  
毛人石上宅嗣大伴家持等謀除之右大舍人

弓削男廣知其計告仲麻呂逮捕下吏鞠問良  
繼曰吾獨為謀首他人無罪乃劾大不敬除姓  
奪位居二歲仲麻呂謀反走近江即日詔良繼  
將兵數百追討之因授從四位下勳四等亂平  
叙正四位上為太宰帥神護二年進從三位景  
雲中以兵部卿兼造治華寺長官四年拜參議  
帝崩無嗣光仁之立良繼與議定策及舉哀為  
騎兵司守宮闕既而遷式部卿改今名進正三  
位任中納言超拜內臣勅曰內臣職掌官位祿

賜職分雜物宜一同大納言但食封給一千戶  
自是得老專政與奪中已頃之進從二位八年  
陞內大臣其秋寢疾帝為授其氏神鹿島神正  
三位香取神正四位上以禱其病尋薨年六十  
二贈從一位遣中納言物部宅嗣等弔之子宅  
美從五位上越前守女乙牟漏為桓武后續日  
本紀  
生平城嵯峨二帝平城即位以其外祖贈良繼  
太政大臣正一位妻安倍氏正一位紀畧  
補任良繼  
弟百川

百川初名雄田麻呂幼有器度字中授從五  
位下補武部少輔神護中為山陽道巡察使奏  
曰本道郡傳路遠多致民苦尤復隸驛將遺又  
長門豐浦厚狹等郡亘養蠶乞代調銅令輸綿  
朝廷終用其議尋除左中辨侍從景雲中兼右  
兵衛督任武藏守進從四位下遷中務太輔檢  
校兵庫副將軍兼內豎大輔歷河內越前守轉  
右大辨所歷之職皆著勤恪之名續日  
本紀時孝謙  
縱淫百川見國家將亂力不能救居常憤嘆景

雲四年帝大漸有厄告曰有方術可治百川抑而不通帝遂崩皇嗣未定百川欲立白壁王右大臣吉備真備頗有異議百川與兄良繼從兄左大臣永午密議矯遺詔使宣命使延讀之曰白壁王年長且有功勞故先帝立為太子真備默然百川即備伏迎白壁王踐祚是為光仁帝水鏡紀畧引百川傳寶龜二年為太宰帥拜參議百川為人忠藎且有迎立之功帝甚信任之委以腹心續日本紀帝長子山部親王素得時望百川常屬意

時皇后驕縱淫佚帝晚年昏老惑溺不悟百川私憂之欲以計傾后併廢太子會帝與后奕賭以美婦美大夫后勝徵求美大夫不已帝大慙沮百川勸帝遣山部親王侍后后大寵親王既而帝悔恨后竊投毒宮井又呪詛帝百川雅問得實奏請暫幽后於縫殿寮使自思過帝曰此事一任卿區處百川乃矯作宣命會公卿於大政官傳宣曰廢皇后及皇太子帝大愕曰欲使后悛心何遽至此對曰母有罪而子驕固宜

大日本史 卷之百二十一  
廢黜辭氣甚厲帝不能奪后太子遂廢群臣奏  
請早定儲位帝擇所立百川請立山部親王帝  
曰山部有亂倫之罪何足附神器百川曰親王  
之侍皇后實陛下之所命也陛下責以孝親王  
不得已而從之豈本心哉參議藤原濱成曰親  
王毋賤帝曰然帝意欲立酒人內親王濱成曰  
裨田親王可立百川瞑目按劔叱曰濱成之言  
非也夫儲君者不論母之貴賤山部親王令聞  
夙著天下屬意願勿他議帝不答起入內百川

厲聲曰不乘聖斷則臣不肯退立殿前四十餘  
日帝感其誠悃乃許所請詔未既百川抵掌大  
歡呼急宣迎親王立為皇太子時人曰百川事  
君無貳竭力致命自古無比鏡水尋進從三位為  
式部卿兼中衛大將內外機務無不與聞十年  
帝不豫百川憂形於色醫藥祈禱備盡心力帝  
益重之是歲薨年四十八帝甚悼惜遣使就第  
宣詔贈從二位所須官給延曆二年追哀贈右  
大臣續日本紀子緒嗣繼業緒嗣自有傳女旅子為

大日本史 卷之百一

桓武夫人生淳和淳和即位以外祖恩贈百川  
太政大臣正一位妻藤原氏正一位紀繼業為  
人質直有容儀天長三年以外戚授從三位兼  
和九年薨年六十續日本後紀百川弟藏下麻呂  
藏下麻呂初自內舍人為出雲公寶字中為山  
陽道問民苦使進從五位下歷少納言備前守  
惠美仲麻呂走近江藏下麻呂為討賊將軍力  
戰破賊事平以功授從三位擢右兵衛督廢帝  
徙淡路藏下麻呂護送之神護元年授勳二等

為近衛大將兼左京大夫景雲元年兼伊豫土  
左按察使光仁之立與定策之議遷兵部卿兼  
東宮大夫尋除太宰帥拜參議寶龜六年薨于  
官年四十二續日本紀子繩主細繼淨本繩主延曆  
大同間累官至參議從三位為大宰帥弘仁中  
任中納言兼兵部卿八年薨于官年五十八性  
好飲酒而職務無替最敦恩義親族慕之天長  
元年贈從二位補任細繼延曆弘仁間累歷清要  
天長初補藏人頭拜參議尋進正四位下致仕

大日本史 卷之百一 十二

大日本史卷之百三十一

特授子吉野參議兼和八年優授正三位十四  
年薨年八十五續日本後紀吉野自有傳淨本至從

二位大藏卿補任

種繼良繼弟淨成子也神護二年叙從五位下  
累官內外延曆元年任參議進從三位為式部  
卿尋任中納言叙正三位續日本後紀補任帝甚親任之  
常侍帷幄中外機務悉裁決焉時帝方好遊幸  
委政太子太子以佐伯今毛人為參議種繼以  
為不可奏罷其職太子自是深惡種繼常欲除


之初遷都長岡種繼首建其議四年帝幸平城  
種繼與右大臣藤原是公留守太子侍帝不在  
潛使人伺種繼是時新都草創百司未就匠手  
役夫日夜兼作種繼照炬催檢賊自暗中射之  
兩箭洞身帝聞變大驚明日還宮種繼既薨年  
四十九帝甚悼惜贈正一位左大臣搜索其賊  
捕獲左少辨大伴繼人近衛伯耆掎麻呂中衛  
壯鹿木積麻呂及大伴竹良等勅右大辨石川  
名足推問掎麻呂先歛曰主統頭大伴真麻呂

大日本史卷之百三十一 十三



大和太椽大伴夫子春宮少進佐伯高成及竹  
良等遣掎麻呂與木積麻呂射種繼繼人高成  
等歎曰大伴家持首造此謀嘗白皇太子曰宜  
倡大伴佐伯兩氏以除種繼鞠問餘黨皆服於  
是首惡繼人高成真麻呂竹良等伏誅縛掎麻  
呂木積麻呂告種繼櫃而斬之於山崎橋南家  
持既沒追削其官爵自餘緣坐貶竄者甚多詔  
聲其罪布告百官是日廢皇太子續日本紀  
同四年贈太政大臣補任稱弘福院大臣子仲

成山人鬘麻呂世嗣藤生湯守山人正五位下  
刑部卿系圖鬘麻呂桓武朝歷皇后宮大進相模  
守續日本紀至從四位下性闇劣流湎酒色後以門  
望歷職內外弘仁初卒世嗣延曆中為大學頭  
天長中至從四位上為人謙遜不耻下問恭謹  
接人後守伊勢會兄訃至百里奔赴尋卒類聚  
藤生從五位下大隅守系圖湯守延曆初有罪除  
籍六年賜姓井手宿稱續日本紀本書不載  
仲成桓武平城朝累官至從四位上北陸道觀



察使兼右兵衛督紀畧補任性狠抗使酒昭穆無次  
有忤於心不憚挈紀畧女弟藥子為內侍專寵  
仲成怙勢驕恣王公宿德多見凌辱道路側目  
及嵯峨即位藥子勸上皇重祚遷都仲成密助  
其謀上皇惑而納其說以仲成為造宮使人情  
恟懼帝奪藥子職囚仲成于右兵衛府使左近  
衛將監紀清成右近衛將曹住吉豐繼射殺之  
初仲成娶民部大輔笠江人女其姨有姿色仲  
成欲強姦之姨避匿佐味親王家仲成聞而大

怒責王及母夫人醜詆極口及誅聞者快之紀畧

水鏡

大中臣清麻呂本姓中臣祭主可多能祐大連  
四世孫也曾袒國子舒明時小德冠前事奏官  
兼祭宮袒國足孝德時為祭主父意美麻呂亦  
為祭主大鏡大中臣系圖按補任一說吉田系  
圖藤原系圖並曰可多能祐三子長御食子次  
國子次糠手子御食子生鎌足國子生國足國  
足生意美麻呂補任天智時與鎌足同改賜姓  
藤原朝臣系圖鎌足傳之神道授以傳神錄名法要集

神代奧義秘抄吉田系圖文武以其奉神事詔復舊姓和銅

中任中納言兼神祇伯至正四位上續日清麻

呂祖繼為祭主天平中為神祇大佐兼式部大

丞叙從五位下累遷神祇大副丁母憂不聽解

任既而遷尾張守續日本紀系圖○系圖曰天

祇大副清麻呂遷尾張守時元正上皇不豫左

大臣橘諸兄奏不豫疑由祭主清麻呂遷外任

再為神祇大副系圖所載難取信附以族明證

勝寶中進從五位上復為神祇大副補左中辨

文部大輔寶字初累進正五位上六年進從四

位下侍中宮院宣傳勅旨是歲拜參議尋為左

大辨兼攝津大夫續日本紀八年改神祇伯進正四

位下系圖補任神護元年加勳四等供奉大嘗事詔

曰神祇伯中臣清麻呂其心如名清慎勤恪又

奉神祇朕有嘉焉特授從二位景雲二年拜中

納言明年六月詔曰神詔有言大中臣而中臣

清麻呂再任神祇官供奉無失是以賜姓大中

臣朝臣寶龜元年進正三位拜大納言二年兼

東宮傳左大臣藤原永手病使清麻呂攝其職

未幾拜右大臣叙從二位仍領祭主神祇伯及  
大嘗奏神壽詞賜絕六十匹車駕幸其第授正  
二位妻正五位下多治比古奈補正五位上續日  
本紀清麻呂以衰老不堪詣大神宮請讓祭主職  
於男子老因以子老為神祇大副續日本紀系圖既而  
再上表請罷職優詔不許饗唐客於私第賜綿  
三十屯頃之賜備前邑久郡荒田百餘町桓武  
即位又乞骸骨許之賜以几杖清麻呂歷事數  
朝為國耆老朝儀國典多所諳練在官視事老

而匪懈延曆七年薨年八十七續日本紀初中臣忌  
部兩氏同掌祀典世即並稱而忌部氏子孫衰  
微唯中臣氏世其職云古語拾遺子繼麻呂諸魚繼  
麻呂正五位下美濃守續日本後紀系圖諸魚光仁桓  
武朝歷官內外延曆中拜神祇伯加參議續日本紀  
兼近衛大將下母憂先是諸魚上家牒曰中臣  
氏任神祇伯是天照太神神主也累世相承雖  
遭喪不解職至是勅曰雖不躬喪紀不可供神  
事宜服其喪紀尋為兵部卿歲餘補左大辨至

正四位上補任十六年卒年五十五紀畧補任繼麻呂

子淵魚

淵魚大同四年以蔭叙從五位下弘仁天長間

歷神祇大副為伯至從四位上立性謹密諳練

神事為祭主二十八年兼和中致仕家居謝絕

人事優游卒歲嘉祥三年卒年七十七續日本後紀

正棟諸魚孫也父知治麻呂從五位上備中守

正棟幼而警悟孝順天至遭父喪殆致毀滅服

闋就學以幹敏稱弘仁末擢為內舍人尋喪二

兄正棟素有出塵之志頻經家難觸事感動遂

披剃為僧改名壹演服膺金剛般若經研精不

倦又愛真言密教於真如親王自是識業大進

去留任意無所止任嘗乘扁舟隨波漂蕩至河

陽橋邊遂寓水次有一老嫗推宅與壹演曰此

地累世商賈之塵逐魚鹽之利願就此建精舍

以留住壹演將創基鏟地得古佛像帝聞而寄

之勅木工寮營造堂宇賜額相應寺壹演聚黑

上築方丈壇安置佛像壇土俄然變白恰似塗

粉見者無不嗟嘆壹演持呪能除病患帝甚重  
之負觀中授權僧正上表固辭不允既而罹疾  
駕船浮於水上奄然而逝謚慈濟三代實錄  
國雄正棟兄式部少丞良攝子也大中臣幼而  
聰明超越等倫八歲喪父事叔父壹演及長有  
操尚性愛閑寂好讀書志在該通壹演欲使之  
為僧因改名定進勸學經史國雄從其言負笈  
尋師精勤強識遂通九經之史老莊等書隨扣  
而應舉秀才為文章得業生未及試擢授後五

位下系圖表書引至祭主神祇大副系圖

和氣清麻呂備前藤野郡人字佐記宣集曰右京人今考姓氏錄

亦載和氣氏於右京皇別二書皆抄清其先出麻呂貫附京印以後耳今後續日本紀

自鐸石別命託宣集鐸石別命曾孫弟彥王應

神帝時以軍功賜吉備磐梨縣因家焉姓氏錄

集曰弟彥王以軍功封藤原縣續日本紀曰神龜三年改備前藤原郡為藤野郡景雲三年以

藤野郡為和氣郡延曆七年割和氣郡河西建磐梨郡蓋磐梨藤原神龜以前所置縣也然不

知陞縣為郡及何清麻呂蓋弟彥王十二世之

孫也舊姓磐梨別公後改藤野別真人為人抗

直叙從六位上為右兵衛少尉神護中授勳六

等改賜姓吉備藤野和氣真人進從五位下遷

近衛將監兼美濃大掾賜封五十戶續日本紀  
託宣集系

圖景雲中又改賜姓輔治能真人帝素敬字佐

神如事生其所憑詔無事不從及寵僧道鏡為

法王大宰主神中臣習宣阿曾麻呂希旨矯奏

八幡神教言令道鏡即皇位天下大平於是帝

召清麻呂於御床下曰昨夜夢八幡神使來曰

大神欲憑汝斯尼法均有所言汝宜代法均往

臨發道鏡瞋目按劍謂清麻呂曰大神欲使我

即位今所以請使者蓋為此也汝詣宇佐奉神

教使我得所欲則授汝太政大臣委以國政如

違我言則處重刑時有路豐永謂清麻呂曰道

鏡登天位吾何面目事之乎吾將與二三子從

伯夷而游清麻呂誓死而往詣神宮請教續日本紀

紀畧託神憑詔曰我國家開闢以來君臣之分

定矣以臣為君未之有也天日嗣必立皇緒無

道之人宜迅掃蕩清麻呂還奏如其言道鏡大

大日本書紀卷之百二十一

怒解清麻呂本官出為因幡復外以未之任追

咎與其姊法均矯神教欺罔朝廷改姓名別部

穢麻呂流于大隅呂續日本紀○託宣集曰清麻呂詣神宮列神室將陳宣命

神憑曰神室有聖意所腆不忍卻如宣命不待汝言而知不願聞清麻呂祝曰今所請教國家

大事巫言難信願示異忽有物而現如滿月清麻呂怖愕莫敢仰視又憑曰我國如君臣分定

而道鏡悖逆無道鏡望神置天日嗣必續皇緒汝還奏如吾言勿畏道鏡吾必濟之又引盡記

曰清麻呂拜神殿俄雲起雷震晦冥清麻呂大

憑祢曰自神代至當時皇孫相繼永世不可

易而今日若僧為宰輔古所未有况即位乎天下

退天即朗然清麻呂飯帝與道鏡並坐召清麻呂

呂問神詔以實奏帝悵然道鏡大怒目如瀝血

面色乍青乍赤晚視罵曰毒人被入咬賺而陳

虛說决非神意請處重刑帝許之

道鏡使人殺清麻呂於道俄雷雨晦冥受命者猶豫會勅使

來免參議藤原百川愍其忠烈割備後封二十

戶與之紀畧託宣集 室龜元年三月清麻呂自謫所

上書曰伏聞人臣之禮盡忠無貳致命之道泥

肝不避遺頭名於後代流功業於無窮斯則忠

臣所以臨危致命義士所以忘身存節臣清麻

呂再奉使宇佐大神宮請問國家大事大神之



教不合西命

按續云本紀清麻呂奉使一回此云再奉未詳又按孝謙居西宮故

命云西

竊惟信者國之重寶豈可顧身亡寶乎又

至尊至威君之與神誰敢乖乎故復命之日直

言不避其大神與西方不和非唯今日事明先

奏臣依神詔作奏文詳畧二道畧本上西方詳

本猷御所

按此時光仁未立道鏡專恣無又嚮異乘輿御所蓋指道鏡而言也

阿曾麻呂詔臣曰大神不和者從前然矣若按

前後奏狀涇渭自分神威由致今臣畏罪不言

則恐非臣民之道故畧而陳之去年奉勅昨夜

夢有大神使來曰欲見法均尼有所附奏叡慮

以為此必天位之事差清麻呂代法均受教臣

敬畏戰慄自顧任非已分何能堪之歸命佛神

結心貞信荷重旨而履薄冰引蹇足以臨深淵

既而祝曰臣是神之所召至尊以代耳目伏願

立示靈異顯答聖旨大神憑祝韓島勝與曾咩

誠臣吾言莫令聞西方臣祝曰國家大事臣難

獨奏先猷憑詔之狀即作奏文二道一藏神宮

之前一附使猷之中有大事二條外有小事一

條大事一屏逐汚濁之人二天之日繼如人握  
 鏡正而莫倚小事宮雖同殿須異伏思非神明  
 誰得言之如不從則恐違神旨又臣獄中聞民  
 語大神憑曰吾今遷於此大隅當速立相海中  
 造島神等未得所依亦宜立祠今之所憑事理  
 當然是以敢書腹心謹奏託宣集是歲光仁踐祚  
 竄道鏡於下野復清麻呂姓名召還之明年復  
 本位為播磨負外續日本紀○託宣集水鏡  
曰初清麻呂之被竄道鏡斷其脰筋不能起至  
 是欲詣八幡宮與病就路過豐前宇佐郡楛田

村有野猪可三百夾路前驅十許里及拜宮起  
 坐復常神憑語賜神劍二口神封綿八萬餘屯  
 乃領宮司以下國中百姓面見之莫不嘆異遷豐前守先是宇佐八  
 幡宮司等屢託神語造為妖言前後國司一無  
 所問清麻呂與太宰府監典主典各一人卜部  
 三人詣神宮灼龜卜神語實否詣府行黜陟託宣  
 集既而清麻呂廣蟲並賜今姪續日本紀清麻呂先  
 瑩在備前遭貶竄後人伐其木及赦還上疏陳  
 狀詔以清麻呂為美作備前兩國造高祖父佐  
 波良已下並贈國造按系圖曾祖佐波豆以下  
 並為國造今從託宣集

天應元年進從四位下延曆中為撰津大夫叙  
從四位上兼民部大輔中宮大夫奏言河內撰  
津之畝鑿川築堤自荒陵南導河內川西通於  
海則沃壤益廣可以墾闢奏可遣清麻呂勾當  
其事又奏備前和氣郡河西百姓一百七十餘  
人請曰奴等舊赤坂上道二郡東邊之民也神  
護二年割隸和氣郡方今郡治在藤野卿有大  
河每遭雨水公私難通河西屢闕公務請河東  
依舊為和氣郡河西建磐梨郡其藤野驛家置

於河西以避水害兼均勞逸許之尋進正四位

下續日  
本紀時管長岡新都十歲未成所費不貲清

麻呂密奏請託遊獵相葛野地以遷都不報十

五年進從三位未幾乞骸骨不許賜功田二十

町以傳子孫補任託  
宣集十八年薨年六十七贈正

三位清麻呂多所通曉最明故事撰民部省例

二十卷又奉中宮教撰和氣氏譜上之帝甚善

之紀畧託  
宣集嘗墾田一百町於備前永為賑給之

資鄉民賴之託宣  
集子廣世真綱仲世

卷之二百一

廣世起家補文章生延曆中坐事禁銅遇赦除  
少判事授從五位下為式部少輔聽帶劔紀畧  
託宣

集為大學別當請納私田二十町為勸學料定

明經四科會諸儒於大學講論陰陽藥經大素

等書以大學南私宅置弘文院藏書數千卷以

墾田四十町永充學料以終父志託宣  
集

真綱少遊大學頗涉史傳弱冠補文章生弘仁

天長間累官內外兼和七年為參議十三年卒

年六十四真綱秉性敦厚忠孝兼資臨職執事

未嘗阿枉法隆寺僧善愷告少納言登美直名

犯法大政官欲據實判或援直名反誣以為許

容違法之訐勅明法博士斷之眾皆畏避不敢

正言真綱慨然謂塵埃之路行人掩目枉判之

場孤直何益不如去職高尚其志因解官杜門

謝絕人事尋卒素歸佛乘天台真言兩宗之主

廣世真綱之力也續日本  
後紀初清麻呂使宇佐還

欲立伽藍安佛像經論以助神威遭竄不果延

曆中私叙河內神護寺真綱為河內守與弟仲


世等請廢定額高雄寺以神願寺為定額改號  
神護國祚真言寺簡僧十四口修密法沙彌十  
四口轉讀守護國史主經調和風雨成熟五穀  
經等晝夜不斷聲七年預得度聽之每年度一  
人限一世賜備前水田二十町為功田以傳四  
世類聚初為少將割俸出財買撰津良田以贍  
士卒至今賴之續日本後紀子觀光為佐渡守觀光  
子時兩潛心醫學兼精針術永平中中試為醫  
博士天曆中為典藥頭康保二年卒年六十七

和氣氏業醫自時兩始系圖

仲世年十九舉文章生大同初為大學大允終  
於從四位上播磨守性至孝奉公忠謹每寢未  
嘗趾官闕初為近江女所得俸祿悉賑貧民為  
彈正大弼臺無南門奏移中院西門以為臺門  
出私財置近江高島郡田五町充厨費及為播  
磨守清靜而化民懷其惠仁壽二年卒百姓慕  
之子貞臣字和仁系圖為真綱子幼喪母哀感  
過禮叔父真綱深愍之弱冠從治部卿安倍吉


和氣氏業醫自時兩始

大日本史卷一百二十



人受光莊吉人奇之為人聰敏質朴不留意于  
雜藝唯好圍碁後入大學研精不輟兼和中舉  
秀才補文章得業生對策不第數歲拜大學大  
允遷大內記至後五位下年之十七卒于官時

人惜焉續日本後紀  
文德實錄



大日本史卷一百二十終

